

船山遺書

第士函
函六冊

薑齋詩分體稿

船山遺書 集部

中華民國廿二年十二月
上海太平洋書店重校刊

瀏陽 李英侯 總勘
瀏陽 張告吾 輯校
平江 李蘊平

葛齋詩分體彙目錄

卷一

五言古詩

廣哀詩十九首

序辛酉

田家始春雜興三首

夕涼二首

遊僊詩八首

偶然作五首

乙丑

石門有靖康勒字

種瓜詞八首

丙寅

讀史四首

丁卯

送伯兄歸塋已夕宿男公山莊

感懷

戊辰

孟冬書懷四首

翠濤將下武昌恭省昭王泊諸故侯園墓馳書畱別因感愴贈送

卷二

樂府

後行路難

壬戌

東飛伯勞歌

大牆上蒿

甲子

樹中艸

朱鷺

乙丑

君馬玄

戰城南

艾如張

聖人出

上邪

上之回

雉子斑

翁離孫

思悲翁

巫山高

上陵

芳樹

有所思

臨高臺

遠期

北風行

丁卯

野田黃雀行

戊辰

烏棲曲二首

歌行

後廝蕨行二首

辛酉

紹古鷄鳴歌

戊辰

卷三

五言律

始春試筆四首

庚申

不雨

後不雨

重挽聖功

李叔晦秋信云同周令公來訪未果

題翠濤新築四首

忽憶二首

壬戌

治尹始春爲邵陽遊有贈

剖香櫟感恨二首

六月二十六日

五日同劉蒙兩生小飲

萬峯韜長老去季寄書有不願成佛見船山之語聞其長逝作此悼之

當暑沈疴

偶成二首

排律

詠風

甲子

安成歐陽喜翁先師黃門公弟也守志約居惠問遙獎於六表之季馳情寄

壽述往永懷示孤貞之有自也爲得十七韻

丁卯

七言律

送須竹之長沙二首

立秋日得蔣九英見訊及閔雨之歎

夜

壬戌

懷須竹

連雨言情

癸亥

九日同熊男公與中涵存孺于禮集二如精舍二首

病三首

爲芋巖定遺藁感賦二首

八月六夜病不得寐有會而作

得安成劉敕功書知舉主黃門歐陽公已溘逝三季矣賦哀四首

冰林詩十首有

序乙丑

初秋三首

驚秋

白雀四首

偃江李爾雅尊人震隅先生先君同譜執友乙酉夫之侍先君避兵于偃館
其宅上爾雅方垂髫同侍近乃通問山中爲先兄誌墓姪敞修謝因感懷

寄訊

小除夕寫悲是日爲烈皇聖誕先舅氏譚星欽先生亦以是日生活衆哀爲

一章

寫恨二首

丁卯

卽事七首

仲冬壬辰云是長至

偶作

戊辰

歲杪閒眺

卷四

七言絕句

絕句二首

癸亥

香櫞

遣病八首

絕句六首

桃花流水引六首

諾皋三首

讀碧雲集感賦三首

柳綰斜陽

柳枝詞四首

丙寅

諾皋七首

樂府五首

爲誰四首

丁卯

四言

雜詩三首

乙丑

薑齋詩分體彙卷一

衡陽王夫之譔

五言古詩

廣哀詩

序 辛酉

追平生交遊凋替之頻仍老棲巖谷唯病相耦而已夫之自弱冠幸不爲人獸捐出入喪亂中亦不知何以獨存諸所哀者或道在死或理不宜死及其時相輟會以靖其心以安其命而不肖獨參差子然者蔑諭箴石卽告語亦杜口矣德業文章志行自有等衰非愚陋所敢定抑此但述哀情不以隱顯爲先後因長逝之歲月序之杜陵八哀詩竊嘗病其破蘇李陶謝之體今乃知悲吟不暇爲工有如此者

熊文學秉

字渭公黃岡人癸未武昌陷赴通山王府蓮池死

黃鶴高樓秋酌酒邀江月當時慷慨人荏苒埋白骨子靜如凝冰心警言愈訥示我濂谿蓮清池飲醅醇尋芳誠有徑可造衆香窟勿用學秦觀眉山同汨沒生死

四十秋奉此爲津筏欲言人不知時語唐端笏軾淫轍懷慝如彼妖星孛浮采悅
初機馳驟赴顛蹶我友片言存步趨力苦竭轅駒暫踰蹀躞賴此相卹勿況子非空
言高節峙突兀皎潔秋泉清荷沼幽香發談笑涵碧流臨難無倉卒三楚二千里
降賊競崩厥妖狐媚益工封豕尾益揭誰爲傳幽貞金管勒豐碣

文明經之勇

字小勇丁亥藍山遇亂兵死

雷雨動新竹蘭若鐙影搖波光闕寒帷論藝終長宵握交亦有始耦俱立清標平
塘涵雙影歸鳥相迎邀遂及木葉秋鄂渚雄風驕睥睨萬里江銀濤簸宕巖北望
黃金臺郭隗時見招喪亂悲公子山川閒漁樵九疑哭湘靈歸魂識鵬妖頸血誠
有託何必非松喬所憾委荒艸未能生蕙畹商絲旣中絕朱絃誰共調

大學士章公曠

字于野號峨山華亭人贈華亭伯謚文毅丁亥死事於永州

釣舫泊湘陰痛哭波聲撼靈旗閃宵空湖風捲荻莢歸來臥荒山淚墮楊花糝公
子相嚮悲北雲仍黯黯相送旋吳淞生計益慘淡國亡家何有知公無回覽淒涼
任東里徒增孝標感憶管侍暑坐蕭齋題認膽血汁濺千秋豈翳一時感書生言

無私微語公但領既憂夏屋欹復念春飴噴因之荐狂言屑尔勤鉛槧覆敗愚所知同舟自汝閣從公騎箕尾戢志填泥涵尚口既窮困羣心故習坎塞臆奄頽齡坐視皇天慳

夏孝廉汝弼

字叔直己丑避寧遠山中幽憤而卒

百言無一知知者還荏苒君心雖狷急良志固不儉顏面爭危疑張目視柔詔蓮花峰頂雲萬片蒼綠染朱張入清寢聽者或疑覽踐之以孤遊九死無忤歎鯨鯢播狂濤游魚皆潰淪縹緲車駕出哀歌淩絕巘一從斯人沒大造生皆忝羣族紛進前何者謀一睽魯郊無生麟投筆置褒貶

太傅瞿公式耜

字在田號稼軒常熟人庚寅留守桂陵城陷死之

公死天下知不偕青史字攜手江陵公同歸鍾山侍從來亂賊臣未必安篡弒遲回須臾閒俄頃千尺墜追惟別公時砌艸承履綦白鐫已飛攢轅門猶鼓吹不復問蒼天微聞責償帥冬雷層雲裂丹血飛霰灑天怒自憤盈公心如遊戲玉鏡映練江東皋荇藻地清歡卜良夜寸心託玄寄後死非鄙心全歸夫何惴孰知西臺

客半嚮犬豕媚道廣固不謀任物自醒醉俯念奔行闕孤洒憂天淚聲影不相卽
薦剡已先至遽上拂衣章非敢爲嫌避玄就容孤歆歡好益曲遂脈脈有幽期清
苦函蓮薏矢之以蓋棺猶恐深恠媿白日虞山心懸光照薜荔

少傅嚴公起恆

字秋治山陰人寓籍真定
辛卯以抗孫可望被害

天風號萬木不動獨搖艸霾雲蔽平野上有白日杲剪燭侍黃閣良夕披懷抱萬
里依嶺雲傾心付肝腦妬詠相嫌猜亡命就搖獠回首蒼梧煙雪涕長不燥所悲
違九閭未忍矜四皓魑魅不可羣非公言未早終迷具茨駕永恨田橫島北海未
先亡災精詎枯槁劇哉莽蠹螫誰辨食髓媚公生固不謀公死卽善道隨地洒碧
血黃屋依羽葆長笑睨吳霖持茲謝金堡南海珠還池湘江清滌藻太守貧而樂
方伯慈爲寶碩德及丹心千秋足揚擢微生附宮牆下交遺紉縞長夜一永訣餘
命遂衰老猛虎負貞骨幽眷知天保精爽何所憑吾其源玄昊

管中翰嗣裘

字治仲說李定國迎驛拒孫可望不果甲午遇害于永安州

昂畢南北街牛女東西涯分合各有故精靈終不欺之子自跼蹐吾生本鈍遲嶽

陰義憤激崧臺俯仰悲雨雪封層巒風潮盪縹緲剪鐙語自協迷影聞者疑駘宕
吐丹虹交暎爲雌霓臨歧一執手畢命成參差君速沉芷駕白日照幽思祕計誓
齏粉吾君在憂危子行固捐脰吾聊忍攢眉事左果致命天壤難獨支哀哉負密
約非但泣長離欲傳幽蛩心未許流俗窺魂爽倘夢遇落日回坤維

李孝廉跨鰲

字一超避山中乙未卒

管從嶺海歸未知慈日隕毒痛息苟延齏粉報益窘情知無麥舟微望垂執紼狂
奔叩顙血旁觀爭笑哂車笠盟者誰恩禮亦何忍感君獨雪涕慰勉相援引赤貧
無炙鷄鵲縷謝不敏白髮侍孀慈膳粥唯蔬筍茶糜交相憐存亡皆遘閔君本酒
人雄飛揚越規準折節從幽棲嶠岵全玄鬢勁羽難重鍛壯歲篤危疾迢遞阻重
山死別淚枯盡周觀翻覆雲交道樓閣屢流目送歸鴻杜口結寒蛸

歐陽文學惺

字叔敬於予爲中表兄弟少予二歲丙申溺湘水

漾漾湘江波逝者悲相接哀哉王延壽遂蹈蛟龍劫與子總角交中外有枝葉樾
館覆新黃春園飛紺蜨對讀漁樵書倦整苧衣褶萬端片語存千秋寸意攝知予

自清狂規子勿拘怯不然依隴畝亦可舒眉睫要之心所期遂尔韻相叶追憶無返魂衿淚如新浥同遊有餘子變態紛重疊合離生旦暮背憎等婢妾亦既叛幽冥何因念腐鰕書卷已蕭條人間無繁業

南嶽僧性翰

丙申沒

疇昔天狼驕竄身潭龍吻蟄龍不我攫親舊但笑听飛雲護杖屨匿影度岬嶼側聞蓮花峰去之雲中近緇繄不相疑泥滓爲拭技羹芋或相貽雪草偶同牆不足恤死生依之全曲謹往來遂頻數登眺蠲疾忿雜心非謝客妙悟異龐蘊爲有神駿賞激揚忠憤隱行歌方亢爽社稷已齏粉燒鐙相嚮悲坐待鐘聲殷義旗同崎嶇債敗無鬱苑笑指樓閣燼一如暮落槿垂死猶致聲神魂尙合脰潭雲空淒迷回望增悲愍

鄭生顯祖

字忞生襄陽冢宰公繼之從孫子內弟也從子學略成文章庚子妖

鶯花媚春日榮光如新沐送子歸荒阡獨嚮杜鵑哭瘴雨無冬春寄身豺虎窟天驕蹂秦關降吏相迫束我躬不自閱念尔騁逾蹙寒雲凝席帽扶攜返幽谷殘書

久零亂綴拾授尔讀艸綫覓玄珠顧笑多感觸危語相箴砭長跼願夏朴念恤干
金軀穀羽自鸞族太宰秉天鈞清忠傳世篤哀郢遠汨征洒淚峴山曲天風摧弱
艸墜葉悲喬木爲義不克終清宵媿幽獨

管文學嗣箕

字弓伯
甲辰沒

飄搖嶺海舟瘴黑天風苦君家令兄弟回首陰野土剝蟹吸聒雪摘橘歎香乳酒
酣弔湘靈湖海遙吞吐憶出潭州嶽辛勤謝豺虎死竄付談笑歸計有酸腐誅茅
傍溪峒慰藉脫刀斧西歸就蒸湄接宇開蓬戶游儵時把釣歸鴈有同數紫蕨咀
春膏濁酒勞風雨寂莫宿艸悲閉戶夕陽塢翦韭復何心荒煙蔽春圃

劉孝廉惟贊

字子參祁陽人
隱山中丙午告終

松石青鬣紋危亭綠錢壁遙怨空山空深林鎖幽闌結伴逃天刑數子爭的礫塵
心中夜動機械同牆闥君死遂紛紜君存猶媿怒清名豈虛邀道喪匿長戚果然
芳艸萎叢薄亂鳴鳩念管奔端州與子相昂激鬣指痛不忘破膽血欲瀝無能救
傾厦徒尔悲縈葢緯恤各自知墓淚但交滴豈□□□游亦冒沙中擊吾君鼎湖

靈赫赫自昭晰蓋棺事良難後死心尤惕清沼敗荷孤蓮心函苦茹

青原極丸老人前大學士方公以智

字密之桐城人國亡披緇稱愚者智字無可一號墨歷壬子卒于泰和

青原千里書白髮十年哭遙問皖江濱青冢何時築八桂歌笑中狂簡意不屬國
破各崎嶇閒關鑒幽獨相知不貴早閱世任流目遙訊金簡峯如按禹書讀北山
念張羅秋水浴孤鶩遠舒摩頂臂欲授金鷄粟山心自別存慈渡勞深祝烹羹南
華髓調和雙行粥一意保孤危爲君全臣僕螺江空杳蠹蠖屈方阻縮緘此方寸
珠佗癡困幽谷已矣無能宣曾冰介喬木

劉孝廉象賢

字若啟湘鄉人丁巳沒

虎塘清歌歇敗荷金風竄遊舫栖綠蛙過之腸已斷籬落牽牛花朱碧紛爛熳清
秋自疇管獨坐成浩歎從來愼經過酒坐尤扼腕於君不憺歡詎取簪裾亂君非
山巨源我友嵇中散知尔花下尊無異柳陰鍛華胄長沙赤社分炎漢積案記
雲仍珍重託月旦一爲振衣歌悲響星河爛從君闕幽壤函情罷游玩帶甲終陸
沈青鬢垂銀蒜漣水自東流何因返湘岸